

## II - ARABAKO LURRALDE HISTORIKOAREN TOKI ADMINISTRAZIOA

### BARRUNDIAKO UDALA

#### Beste herrialde batzuetako umeak aldi batean hartzeko dirulaguntzak

Alkate-udalburuak, 2019ko irailaren 27ko 405. erabakiaren bidez, beste herrialde batzuetako umeak aldi batean hartzeko dirulaguntza ematearen deialdia onartu zuen.

2019ko ekitaldirako aurrekontu orokorrean egitaratzeko udal araudiaren V. eranskinean deialdi hori arautuko duen araudia jasotzen zen, honako hau izanik:

#### Beste herrialde batzuetako umeak aldi batean hartzeko dirulaguntzak

##### I. DIRU-LAGUNTZAREN XEDEA.

Diru-laguntza honen xede da diru-laguntzak ematea, beste herrialde batzuetako umeak aldi baterako hartu dituzten familiei, haien gizarte, osasun egoera, eta bizi kalitatea hobetze aldera.

2019. urtean zehar egindako harrerak direla eta, diru-laguntzak bidaiak sortutako gastuak eta jatorriko herrialdera itzultzea bere gain hartuko ditu diru-laguntzak. Halaber, Barrundiako Udalak antolatzen dituen jardueretan izena emango balute, erroldatutakoak eta ez erroldatutakoen arteko tasen edota prezio publikoen aldea, zeren adingabeak ez erroldatutako izaera dute.

##### II. ARAUBIDE JURIDIKOA.

Diru-laguntzen emakida hauexek arautuko dute: oinarri hauek, dirulaguntza orokorrari buruzko azaroaren 17ko 38/2003 legea, uztailaren 21eko, 887/2006 Errege Dekretua, dirulaguntzen araudi orokorra arautzen duena, eta konpromiso gastuaren kudeaketari eta onarpenari dagokion aurrekontu arautzailea.

##### III. AURREKONTU EGOZPENA.

2019. urtealdiko diru-laguntzen zenbateko osoa 500 eurokoa da, eta 230.481.013 aplikazioari egotziko zaio.

##### IV. DIRU-LAGUNTZAREN ZENBATEKOA.

Oinarri hauetan ezarritako betekizun guztiak betetzen baditu eskatzaileak, diru-laguntza emango zaio irizpide honen arabera:

1. Gastua frogatu eta horretatik %50era iritsiko da diru-laguntzaren zenbatekoa, aurrekontuaren partida bakoitzak duen kreditu arte.
2. Eskaera ugari egon eta aurrekontuaren kredituak ezin badu %50a ordaindu, kreditua banatuko da onuradunen artean, gastu frogatuaren ehuneko berdina izan dezaten.

##### V. BETEKIZUNAK.

Onuradunek honako baldintzak bete beharko dituzte:

1. Barrundiako biztanlea izatea, gutxienez urte beteko antzintasunarekin udal erroldan.
2. Euskadiko autonomia erkidegoan behar bezala erregistraturiko elkarte bidez jarriko dira harremanetan umeak eta halaxe kudeatuko da umeen bidaia ere.
3. Diru-laguntzen araudi ezartzen dituen betekizunak betetzea.

## VI. ESKARIAK AURKEZTEA.

Udalak erraztuko duen eskaera-orriarekin batera, honako dokumentazioa aurkeztuko behar da, 2019 urteari dagozkion honako agiriekin:

1. Adingabearen bidaiaren arduradun den elkarte Eusko Jaurlaritzaren elkarteen erregistro ofizialean izena emanda duela azaltzen duen ziurtagiriaren kopia.

2. Bitartekaria den elkarte onuradunaren ziurtagiria datu hauekin: harrera egiten duen pertsona fisikoaren identitatea, arduratzen den umea eta horren lekualdaketaren eraginkortasuna.

3. Banketxearen izena eta kontu zenbakia 20 digituarekin, pertsona eskatzailearen izenean dagoela, diru-laguntza sartzeko.

4. Honako egoeraz zinpeko aitortpena:

a) Gizarte segurantzarekin, ogasun foru edota Barrundiako udalakoekin ordaindu beharreko kuoten ordainketan egunera izatea.

b) Diru-laguntzari buruzko azaroaren 17ko 38/2003 legearen 13.2 eta 13.3 artikuluek idazpuruak dioten bezala, diru-laguntzen deialdian onuraduna izatea debekatzen duten inguruabarretan ez dago sartuta.

c) Beste erakundeei eskatu zaizkien edota lortutako diru-laguntzei buruzko aitortmena, erakundearen izena eta zenbateko adieraziz.

5. Umearen jatorrizko herrialdetik honako bidaia ordaindu izanaren egiaztagiria (eta kopiak).

Zentzu honetan onartuko dira bai adingabearen bidaiako fakturak bai elkarte bitartekariak egindako ziurtagiria, pertsona eskatzaileak ordaindutako zenbatekoa egiaztatzen duena.

6. Barrundiako udalerrian garatutako jardueren egiaztagiria.

Egindako gastutzat hartuko dira 2019. ekitaldian ordaindutakoak.

Udalak egiaztatuko du onuraduna Barrundiako udalerrian erroldatuta dagoela. Udalak eskatzailearen aitortpenak egiaztatzeko eskubidea edukiko du, eta horretarako behar diren datuak eta txostenak eska diezazkieke beste erakunde publiko zein pribatuei.

Iturriak ezkututzen badira edo eskabideak osorik bete gabe edo faltsututa aurkezten badira, ez da diru-laguntzarik emango, eta gainera, iruzur-ekintza horrek erantzukizun legalak eduki litzake.

Eskabideak aipatutako betekizunak betetzen ez baditu, 10 eguneko epea izango du interesdunak akatsa zuzentzeko edo aurkeztu ez dituen nahitaezko agiriak eramateko; eta hala ez bada, bere eskaerari uko egiten diola ulertuko da ebatzia alde zuzenetik eman ondoren.

## VII. ESKARIAK AURKEZTEKO EPEA ETA LEKUA.

Eskariak aurkezteko epea 2019ko urriaren 31n bukatuko da.

Eskabide horiek Barrundiako udaleko erregistro orokorrean aurkeztuko dira.

## VIII. PROZEDURA.

Diru-laguntzak emango dira araudi arautzailearen arabera, honako berezitasunekin:

1. Espedientearen organo eragilea da Barrundia udaleko idazkaritza. Organo eragileak ziurtatuko du, eskatzaileak oinarri hauetan dauden baldintzak betetzen dituela, eta beharrezkoa denean, datuak zuzentzea eskatuz dagozkion izapidea egin aurretik proposamena formulatuz.

2. Organo eragileak egindako ebaluazioa eta emate-proposamena dituen txostena luzatuko du.

3. Ebazpena emateko organo eskuduna Alkate-udalburua da. Ebazpena abenduaren 31 baino lehenago hartuko da.

Ebazpena jakinarazi gabe gehieneko epea mugaeguneratzen bada, emakidaren eskabidea administrazioaren isiltasunaren bidartez gaitzetsi dela ulertu ahal izango dute.

Diru-laguntza emateko kontuan hartu diren baldintzak neurri handi batean aldatzen badira, ebazpena ere aldatu egin daiteke.

Diru-laguntza emateari buruzko ebazpena administrazioen bidea agortzen du.

4. Ebazpena jakinaraziko zaio, diru-laguntza ematen zaionari eta ematen ez zaionari, halaber, organo erabakitzaileak beharrezkotzat jotzen dituen arrazoiak eta bestelako baldintzak adieraziko dira. Ebazpena Dirulaguntzen datuen nazio erregistroan, Arabako lurralde historikoko aldizkari ofizialean, udaleko iragarki oholean eta web orrialdean argitaratuko da.

#### IX. DIRUZ LAGUNDU DAITEZKEEN GASTUAK.

Oinarri arautzaileetan ikusitako efektuetara, diru-laguntza jaso dezaketen gastuak honakoak dira: ezbairik gabe diruz lagundutako jardueraren izaerarekin eta helburuarekin bat etorri direnak, kontuan hartuta laguntza honen helburua dela umeak ekartzea eta berriro eramatea euren herrira, bidaiaren zenbatekoa ordainduko da.

Adingabeen lekualdatzea, egonaldi eta itzulerak burutzeko jarduketak sartuta geratzen dira (aseguruak, jatorriko herrialdeko ezinbesteko izapideak, etab.).

Halaber, Barrundiako udalerrian garatzen diren balizko jardueretan errolatuta eta ez errolatutakoen arteko alderaketa.

#### X. DIRU-LAGUNTZAK ORDAINTZEA.

Diru-laguntzaren emakida jakinarazi eta gero, hori ordainduko da transferentziaren bidez eskatzailearen banketxe kontura.

#### XI. ONURADUNEN BETEKIZUNAK.

Oinarri hauetan dauden betekizunez gain, onuradunak honako hauek ere bete behar ditu:

1. Diru-laguntzen emakidaren araudi arautzaileak ezartzen dituen betekizunak betetzea.

2. Egiatzapen eta finantza kontrolerako behar diren egiatzapenetara jartzea, horretarako eskatzen zaion informazioa aurkeztuz.

3. Udalak ezarritako egunean eta orduan bertaratzea argibideak emateko jasotako diru-laguntzak, hala behar izanez gero.

Eskabidean azaldutako daturen bat udalak egiaztatutakoekin bat ez baletor, interesdunak banakako diru-laguntza hauen onuradun izaera galduko du aurrerantzean.

#### XII. BESTELAKO DIRU-LAGUNTZEKIN BATERAGARRITASUNA.

1. Barrundiako udalak emandako diru-laguntzak bateragarriak izango dira bestelako administrazio, erakunde publiko edo pribatuek emandakoekin edo bestelako sarrerekin, xede bera finantzateko, baina inola ere ez da egongo behar baino gehiagoko finantziatorik; hau da, Barrundiako udalak emandako zenbatekoak, beste erakunde batzuen dirulaguntzekin batuta, ezin du gaingitu jardueraren kostu osoa.

2. Udalak ez dio diru-laguntza bi emango jarduera bat diru-laguntzen deialdi ezberdinen bidez.

Denen ezagutzarako argitaratzen da.

Ozaetan, 2019ko irailaren 27an

*Alkatea*

*IGOR MEDINA ISASA*